

豫章叢書

第二冊

漚園詩集卷二

南昌 萬時華 茂先

五言律詩

送顧天謨歸婁東

灌木縈前墅行杯別顧邕白雲當席變黃鳥入歌嘯
客散高城月人歸晚樹鐘婁江千樹遠飛夢海雲封
閉關示念騶

與子懸孤榻封塵畏客來經旬疎白袷未雨逼青苔
徑軟紅爭墮窗虛綠自迴閒心與遠思明月亦無猜
紀行

人生不得意鞍馬向空山路草侵人短晶花着雨斑
霜添枯樹冷風起亂雲刪獨羨投竿叟寒流靜一灣
野橋殘月渡寒霧總盈盈路失高低影禽喧上下聲
林光連曙動霞色映山明處處驅牛出溪農趁曉晴
寂寂筠州路輕烟半有無山深宜吠犬村晚集寒鳥
作客同王粲逢人說小蘇荒荒斜日影淒澹照昆吾
漸入空山裏迴崗四望低雲隨平野散樹帶遠峯迷
淺碧鏤沙靚輕黃綴草齊桃源如可覓疑在小邨西
複沓成何往廻看已四圍畦隨山路變鴉切嶺雲飛
獨樹分池少高松蘖畝肥炊烟村舍午嵐靄共霏微

子月平郊寂朔風吹滿林橋危看墮日徑轉欲成陰
汲水村童慣鉏園老父深棲遲行古道不獨別離心
長至後二日林祖鼎徐濟之小遠水簾同家閑

美風后起先集芳樹齋時祖鼎將歸蒲美叔
將赴公車余亦將入宜豐志別分十灰

酌酒淹高會寒風西北來卷簾初過雁熏檻欲舒梅
菜摘連霜甲筇扶過雨苔草堂辭客慣重喜爲君開
座客皆湖海高僧亦官來書雲天上事明月席前杯
醉競矛頭句禪空劫後灰別離應共惜今夜對蒿萊

薄暮看梅花

山縣開春蚤梅花發暮園霜多含蘆重煙冷入枝繁
向客知何意歸鴉欲有言羅浮詩後思斟酌晚來魂
寄懷陳士業

舊時丞相宅君復寄修椽門托高人靜村憑故老傳
沙池寒際日城堞古時烟凍雀梅花裏晴窗獨草元
吾兄草元處萬軸列牙籤落筆千入廢抄書十吏兼
龍文衝漠冷虎氣入山巖歲暮孤城客相思月滿簾
暮行

古道梅花屋蒼茫起夕陰日光衝樹冷寒色上帷深
渡水烟難繪呼膠得便斟牛羊邨影裏行路勇歸心

是夜同舒芭孫山店酌月

清尊共良夜照地月初升里近淵明宅人稱大歷朋
詩情關唳鶴山意靜寒燈霜被侵人蚤關山曉夢曾
歸自宜豐追送林祖鼎江上

我來君又去歲暮揖江邊
罷返宜豐雪杯分南浦煙
關河飛葉外鴻雁朔風前
別後蕭峯月離心夜夜懸
上元前夕戴初士初吉招同堅白宗侯舒芭孫

家弟起先分都字時與芭孫入筠

今夜叔倫宅花前倒玉壺
泪殘工部句吟入步兵廚
燭影烘人醉盧聲雜雨呼
爲懽終未厭燈月憶皇都

東風新雨後，隔院醉醺醺。
鰲架通今夕，狐裘問彼都。
客能攜楚袖，人自濯冰壺。
酒罷凌晨事，春袍上短蓑。
將入筠，送余小星之秦，和兼訊杜中兄弟。

我亦筠州去，題詩復送行。
計程朝秣馬，伐木晝聞鶯。
燈市離人酒，溪風去路情。
應同爲客夢，花漏度寒城。
君到螺江上，逢迎盡故羣。
別當正月雨，愁寄萬山雲。
汀影飛鴻遠，袍香細草熏。
諸公鷗席在，佳句偶相聞。
送梅子庾之白門限韻

久識南昌尉，觴孤惜未傾。
雨花爲客處，烟柳送君情。
鳳去臺無恙，鶯啼草又生。
閨中新織錦，應有夢隨行。

道中苦雨

野宿春雲裏冥濛遞曉程烟多山欲浪寒重鳥無聲
車爲衝泥怯衣難帶雨輕僕夫前路意如在劒門行
雨後看桃花

青山圍縣郭二月養花天綠短難勝雨紅疎半吐烟
一枝雀護老千片武陵鮮寒食飛香後飄零憶酒邊
懷衷三晦若

憶宿城邊寺兼之湖上亭亂藤沾柳碧新樹過花青
離別三春共行藏百慮經已過鴟鳩暮淒斷不曾聽
雨行同舒芭孫

宿霧無行伍谿田高下中路經三縣雨帷裂萬山風
勁舞便孤鶻寒栖念早鴻同車能好我何必歎途窮

懷魏平仲葉當時山居

幾載青湖上出門今異鄉別離三月盡風雨一春狂
燕熟難辭壘花飛易滿床還思讀書處鷗鳥濯雲長
歷亂心難似楊花破曉枝懷人魏無忌有客鄭當時
雨歷新年樹雲添舊日池瑠璣岡下水深淺夜來知
懷衷孔虛舅氏時雨外弟殤併唁

不見渭陽久悠悠復我思漸知長夏信已是隔年期
樹僻雲來慣庭深月到遲分明沙浦夢春路草離離

書來添異耗明月墜雙珠轉覺悲懽共其如道里殊
堅塗堪仲子金石保微軀莫進西河淚青天泣鵲雛
喜念孺至自上谷余以明日去筠州

解劍卽相過衫猶京路塵奕棋天上局車馬客中人
雨別傷心共風聲到耳新草茅今日淚不獨爲羞貧
相逢懽倒極離恨與驚魂今夜聊同月空山又閉門
別難應會遽夢屢識思存因想湖邊水朝朝漲舊痕
來蘇渡

此地來蘇久猶傳古渡名村陰殘野照樹影抱春城
人作黃州住江猶赤壁清子懷同渺渺蘭漿擊空明

夏閨

江海三千里風塵已數年君王歌杖杜夫僭幸燕然
獨寢餘長簟裁書疊小牋三召河北鴈秋至又西旋
昨夜閨中夢迢迢失遠山大旗關塞外君子鼓鼙聞
月照空牀枕螢知思婦顏荳柳聞促織機杼婉班班
積雪南風裏陰山六月時炎蒸思飲馬飢渴詠棲峙
王者仁無敵天驕帝所私古來豪傑士不怕葬鴟夷
妾家湘水上君向受降城帕汗兼啼漬衣寬爲恨盈
貌同花落索別見草枯榮刺繡過長午雙鴛竟未成

芭孫生白

束髮爲兄弟相知莫問年謀生徒覓句無肉慣逃禪
妻子甘能共寒溫夢易牽可禁花下意十載話淩烟

晝夢

白石橫孤枕昏昏只午眠高低雲與鷺斷續夢如蟬
小弟閑相慰嬌兒惜自牽醒因風在竹幽獨倚窗邊
送吳元翰歸蘆谿

頭白猶爲客青山未了緣到看蕭嶺月歸飲慢亭泉
渭北思供奉終南弃浩然離心無可道隨路隔江烟
聞君高隱處架屋在蘆溪水響藤蘿夢春深桃李蹊
歸應山有主別問手重攜放鶴誰相待梅邊處士妻

倦

倦客南牕下悲來亦自歌晨梳慵作髻暮盞欲生醅
岸草先秋長哀蟬向晚多買山終未忍尙負考槃阿
六月晦日憶舒芭孫

相憶數晨夕因知夏已除據床閑較暑背日獨看書
江濶星難聚杯同月又初鵲橋輪此夜勝事在君廬
曉起

獨客梳頭嬾西風緩下來窗櫺朝上日枕席夜聞雷
章水月應減楚人秋易哀家書倍珍重敗篋故常開
月下

今夜孤城月相關獨在門溪山呈委曲僮僕自寒溫
澹覺河無影斜因樹有痕露涼思枕簟嘆息一燈存

村前夜宿

夕火柴門動山程驟馬鞭天青猶見日村晚遂多烟
野雀爭依樹秋禾半在田暑餘占物候蟬響北風傳
僕夫遙共語今夜宿村前岡遠星能出松高霧已先
鄰翁呼犬入里婦餵鷄眠喧寂人誰解疎燈野水邊

送沈質明歸蕪江

愁君容易別相見又成歸黃菊香人語丹楓照客衣
傍煙過錦水迎雁指蠟磯猶及征帆落霜螯競晚肥

雨夜小酌同芭孫崑銅聯句

宿療安雙屐崑深杯共小窗茂嵐斜分嶺出竹勁受

風降崑密樹潛歸鳥空山隱吠厖芭武陵今夜夢紅

雨漲春艤茂

似隱軒為碩膚王孫

大隱誰能似幽居獨不喧坐深雲氣幻圖老嶽形尊

鶴夢殘香炷莓魂銷竹痕人傳劉子政藜火雜星繁

送劉欽之歸吉州

萬楮迷前浦江臯歲盡時會因懷舊苦寒恐到家遲

訪雪鴻留迹占風暮解維十年濠上夢明發又何之

欽之昔住
濠上菴

雨夜芭孫對酌

客思禁秋雨淒淒獨夜身
蕉鳴寒欲戰雁濕字難勻
四壁燈無力孤尊話有神
愁思天上月蕭瑟類前因

月行同舒芭孫

何處身如豹山行似輞川
林光羅苒藻夜氣靜颯猿
酒力經寒薄詩情得侶堅
荒荒無盡月野色滄長煙
有感而作

百蟲喧獨坐秋氣總蕭然
節物同今古悲懽異歲年
人情徇勞役天意倦周旋
始欲偕妻子躬耕原上田

晚渡訪劉師貞江上浮槎

爲君催晚渡寒水盪西紅烟冷溪山外天低雁鷺中
葉飛將暮雨鴉帶欲霜風擬載張融舫浮家共短篷

秋日遊廣福堂

幽賞忽成步寺門秋路偏僧閑依白日樹古立青天
徑轉藏煙曲荷殘剩沼圓城中車馬倦今日欲安禪
送徐無適游吳

霜天沙雁裏今日送君行舊社疎談笑新知熟姓名
水寒魚性定帆靜鳥飛明愁絕江東樹殘雲日暮橫

送王慎五歸涇上